

accents
Observaziuns e discussiuns

13 «accents» en moviment

7
8
9

Natürlich aus dem
Eichenfass.



südostschweiz

LA QUOTIDIANA

Redacziun: Via Sommerau 32, 7007 Cuirra, tel. 081 255 57 10, redacziun@laquotidiana.ch

La secunda pleiv seconstituescha

■ (anr/abc) Questa sera s'entaupan parochianas e parochians dalla Pleiv catolica-romana da Lumnezia alla radunonza constitutiva. La suprastonza transitoria cul meinaproject Alexander Casanova vegn a presentar la constituziun, la lescha da taglia ed il reglament da salarisaziun. Il plevon sur Markus Domeisen vegn plinavon a seprestar e la radunonza constitutiva vegn ad eleger

l'emprema suprastonza. Per quella sco era pil cussegl pastoral ein candidats nominai. La nova pleiv va en vigor igl 1 da schaner 2018 e vegn a dumbrar 860 commembers. Ella ha d'administrar otg baselgias, 14 capluttas, sis casas per vendas, zacontas habitaziuns, 66 hectaras terren agricol ed ulteriur terren.

> PAGINA 3

Tablas nairas da Zernez sun digitalas

■ (anr/fa) Il cumün fusiunà da Zernez ha rimpazzà las tablas nairas üsitadas in sias fracziuns cun tablas digitalas. Sün quellas survain l'interessà las infuormaziuns las plü actualas. Daspö la fusiun da Zernez, Brail, Susch e Lavin al cumün da Zernez al principi da l'onn 2015 vegnan las infuormaziuns cumünalas publicadas sülla homepage cumünala ed inavant eir

süllas tablas nairas. Ils respunsabels han decis da far adöver da las plü novas tecnologias eir per quellas. Davo avair fat d'inviern passà ils tests cul prototip d'üna tabla naira digitala sun gnüdas installadas e colliadas d'incuort dadourvart quatter da quistas tablas, a Brail, Zernez, Susch e Lavin.

> PAGINA 13



Las prümas experienzas cullas novas tablas nairas da Zernez s'haja fat l'on passà i'l center cumünal da Zernez cul prototip.

ANR

Breil: Fra Clau da Flia el center da plirs arranschaments

■ (anr) Breil stat ils proxims dis cumpleinamein ell'enzenna dil giubileum da 600 onns dapi la naschientscha da Fra Clau da Flia. Entochen ils 12 da november 2017 han liug ella baselgia parochiala plirs arranschaments che sefatschantan digl enconuschent emerit. Il punct culminont dallas activitads e dils arranschaments davart Fra Clau da Flia el cantun

Grischun ei la presentaziun dil teater musical «Der Ranft-Ruf» sonda, ils 11 da november 2017 a Breil. Gia la sera avon interpreteschan treis giuvnas musicistas dalla regiun la canzun «Miu Segner – miu Diu» da Fra Clau da Flia. Igl ei in'interpretaziun cun ina nota fetg persunala.


> PAGINA 2

La litteratura sco gieu

27avels Dis da litteratura da questa fin d'emna en la halla Tircal a Domat

DA MARTIN CABALZAR

■ Questa sera cumenzan ils 27avels Dis da litteratura a Domat che èn deditgads quest onn a la «Litteratura sco gieu». L'inscunter da litteratura duai esser ina «salon da gieus nua ch'ins chatta campogns per giugar». Il comite d'organiziun considerescha la litteratura sco act collectiv nua ch'il barat direct tranter autura e lectur daventa la regla principala. Concret vul quai dir: preleger e tadlar, discussiunar e disputar, ristgar e desister, laschar or ina runda e parter mirveglias. Questa saira preschenta il poet, musicist e caricaturist svizzer Manuel Stahlberger ses nov program da solo «Neues aus dem Kopf». Silsuenter vai vinavant cun la Shot-Story Night: Ti empostas. L'auturA arriva, sesa e prelegia ses text. La sonda laschain nus discurren ils cudeschs cun la Living Library, la biblioteca viva, en la qualails cudeschs èn persunas sco ti ed jau. Era tar l'occurrer da scriver «La pagina» dastga in e scadin preleger en il foyer ses text davart il signal «En posiziun! Pronto! Dai!». La saira laschan



Placat dals Dis da litteratura che èn deditgads a la litteratura sco gieu.

MAD

ins reviver differents gieus auditivs rumantschs. ActurAs datan nova vita a gieus umoristics scrits ils ultims 50 onns. La dumengia preschenta l'artist Yör Kauči alias Jürg Gautschi invistas e reflexiuns davart la fitness cun ina prelecziun scenica. E la victura dal Premi Term Bel dals

Dis da litteratura 2016, Stina Hendry, experimentescha e gioga en ses nov project «Detta en bucca» ensemen cun Leander Albin cun atmosferas or dal mund da la lingua e musica. Era quest onn datti differents vernissaschas, preschentaziuns e prelecziuns. Mario Pachioli e

Chatrina Josty preschentan lur novas publicaziuns, ils litterats Domenic Andry, Flurin Jecker e Linard Candreia prelegian or da lur ovras. Preschentadas vegnan «La Litteratura 36» e la «Chasa Paterna 135» e «Lina e Linard».

> PAGINA 12

Colurs, tschera, rasadas

Amiez Vaduz exponan dapresent dus Romontschs

■ (anr/abc) Dacuort ein amatur digl art s'entupai amiez il marcauet da Vaduz per ina vernissascha da dus artists grischuns. La «Galerie am Lindenplatz» a Vaduz ei in'adressa enconuscenta. Cheu han gia renomai

mussau lur lavurs. Per exempel Henri Moore, Daniel Spörri, Max Bill ni Heinz Mack. Ernestina Abbühl e Luis Coray enconuschevan medemamein quei liug. Exponer leu fussi ina nundetga honur, havevan omisdus manegiau inde-

pendentamein in da l'auter. Pils dus Romontschs, ella, l'Engiadinesa, naschida 1967 e carschida si a Samedan, el, il Sursilvan da Laax, ei la visium ida en vigur.

> PAGINA 3



Eir prosem on ha lö il Kids Race a Scuol.

FOTO D. TAUBER

Analisa e prevista dal maraton intuorn il PNS

■ (anr/afi) La 16avla ediziun dal Maraton da velos da muntogna intuorn il Parc Naziunal Svizzer (PNS) es stat pels organisatuors ün success. 2247 velocipedists e velocipedists s'han partecipats la fin d'avuost a la plü gronda cuorsa da velos da muntogna in Svizra. Uossa, sun tuot las lavuors finidas ed i s'ha pudü analisar tuot las respostas e reacziuns da tuot ils pertocs. Per l'avegnir sun previs divers müdamaints vi dal concept. Ün müdamaint es previs pro la partenza dal traget «Putèr», la stricha chi maina da S-chanf a Scuol. A S-chanf partan 700 persunas a listess mümain. Üna varianta es da laschar partir tuot quellas categorias cun partecipaziun d'uffants ün mümain plü tard co üsità.

> PAGINA 13



Duls dils objects filigrans figurativs dad Ernestina Abbühl.

FOTO A. BEELI



Servetsch d'abunents e da
distribuziun: tel. 0844 226 226
mail: abo@somedia.ch